

Informativni list - Studentski tekući račun

Naziv banke: Intesa Sanpaolo Banka d.d. BiH, Obala Kulina Bana 9a, 71000 Sarajevo, BiH /u daljem tekstu: Banka/

Ime i prezime; JMBG: _____, u daljem tekstu Vlasnik računa

1. Karakteristike proizvoda

1.1. Vrsta računa: Tekući račun, valuta računa: KM

1.2. Studentski tekući račun fizičkog lica je račun, preko kojeg Vlasnik računa prima stipendiju ili druge vanredne uplate, te vrši gotovinske isplate, bezgotovinska plaćanja i plaća obaveze koje mogu nastati korištenjem VISA Electron debitne kartice Banke, a sve u granicama raspoloživih sredstava koja se nalaze na ovom računu. Raspoloživa sredstva čine pozitivno stanje na studentskom tekućem računu zajedno sa eventualno odobrenim dopuštenim prekoračenjem po studentskom tekućem računu.

Dopušteno prekoračenje po studentskom tekućem računu je redovno prekoračenje po tekućem računu, odnosno prekoračenje koje omogućava Vlasniku računa da koristi raspoloživa sredstva na studentskom tekućem računu bez ograničenja do iznosa prekoračenja odobrenog od strane Banke.

1.3. Banka temeljem Ugovora o (studentskom) tekućem računu, otvara fizičkom licu studentski tekući račun. Ugovor s Bankom sklapa Vlasnik računa/opunomoćenik u domicilnoj valuti. Sklapanjem Ugovora, ugovorne strane prihvataju prava i obaveze iz Ugovora, kao i sve kasnije izmjene i dopune istih koje se provode isključivo pismenim putem kroz anekse na ugovor.

1.4. Studentski tekući račun je namijenjen korisnicima (studentima) u dobi od 18 do 30 godina starosti.

1.5. Potrebna dokumentacija za otvaranje studentskog tekućeg računa fizičkog lica je:

- Zahtjev za otvaranje računa i korištenje usluga (obrazac Banke)
- Kopija lične isprave i potvrda o mjestu boravka (original ili kopija uz uvid u original)
- Index na uvid, a u slučaju da student ne posjeduje Index (studenti privatnih fakulteta) potrebno je priložiti ID karticu i potvrdu od fakulteta kojom se potvrđuje u koju godinu je student upisan.

1.6. Banka može bez posebnog obrazloženja odbiti zahtjev za otvaranjem studentskog tekućeg računa licu koje je neuredno poslovalo na ranije otvorenom tekućem računu, drugim računima u Banci kao i po računima u drugim bankama. Banka neće otvoriti studentski tekući račun onim klijentima koji na dan otvaranja računa imaju prema Banci nepodmirene obaveze po bilo kojoj osnovi, odnosno lošiju kategoriju u Banci, kao ni onim klijentima koji su u zadnjih 12 (dvanaest) mjeseci bili u statusu loše aktive (dospjele a neizmirene obaveze prema Banci duže od 270 dana).

1.7. Vlasnik računa može imati otvoren samo jedan studentski tekući račun u Banci.

1.8. Odredbe Ugovora o studentskom tekućem računu koje su vezane za studentski status iz Ugovora, automatski prestaju važiti po isteku perioda korištenja Ugovora o (studentskom) tekućem računu tj. period koji je zaposlenik Banke dodijelio prilikom otvaranja računa (period studija + 1 godina) i/ili kada Vlasnik računa (student) napuni 30 (trideset) godina starosti.

1.9. Prestankom važenja odredbi Ugovora o (studentskom) tekućem računu na način opisan u tački 1.8. ovog Informativnog lista, ostale odredbe Ugovora ostaju na snazi, te se predmetni Ugovor smatra standardnim ugovorom o tekućem računu i/ili Ugovorom o redovnom dopuštenom prekoračenju po tekućem računu.

1.10. Ne postoji ograničenje u pogledu minimalnog i maksimalnog iznosa sredstava na računu, kao ni u pogledu broja uplata i isplata sredstava sa računa. Sredstva na računu su raspoloživa Vlasniku računa u visini trenutno raspoloživog stanja. Ostali detalji o korištenju tekućeg računa dati su u Opštim uslovima poslovanja sa stanovništvom po tekućim, žiro i deviznim računima koji su prezentovani Vlasniku računa prije potpisa Ugovora o (studentskom) tekućem računu.

1.11. Visina nominalne kamatne stope koju Banka plaća Vlasniku računa za iznos pozitivnog salda sredstava na njegovom računu je 0.05%, fiksna, na godišnjem nivou. Kamata se izračunava na osnovu stvarnog broja dana u godini (365/366 godišnje) primjenom konformne metode i dekurzivnog načina obračuna. Efektivna kamatna stopa (EKS) iznosi 0.05%. Reprezentativni primjer izračuna efektivne kamatne stope je sastavni dio ovog Informativnog lista.

1.12. Visina nominalne kamatne stope na iznos iskorištenog prekoračenja po tekućem računu iznosi 12.50% godišnje, promjenjiva kamatna stopa, a sastoji se od prosječne kamatne stope na depozite stanovništva uzete na dan 31.03. tekuće godine, u iznosu od 1.19% (promjenjivi dio kamatne stope) i marže Banke u iznosu od 11.31% (nepromjenjivi dio kamate stope). Kamata se izračunava na osnovu stvarnog broja dana u godini (365/366 godišnje) primjenom konformne metode i dekurzivnog načina obračuna. **Efektivna kamatna stopa (EKS) iznosi 12.50%**. Reprezentativni primjer izračuna efektivne kamatne stope je sastavni dio ovog Informativnog lista.

Redovno usklađivanje promjenjivog dijela kamatne stope po prekoračenju će se vršiti jednom godišnje svakog 30.06., uključujući i subotu, u periodu korištenja dopuštenog prekoračenja po računu, poredeći vrijednost promjenjivog dijela kamatne stope na dan 31.03. tekuće sa 31.03. prethodne godine. Redovno usklađivanje promjenjivog dijela kamatne stope na dan 30.06. tekuće godine će se vršiti za račune koji su ugovoreni prije 01.01. tekuće godine. Za račune koji su ugovoreni poslije 01.01. tekuće godine, redovno usklađivanje promjenjivog dijela kamatne stope vršit će se na dan 30.06. naredne godine.

Redovno usklađivanje promjenjivog dijela kamatne stope će biti vršeno ukoliko vrijednost prosjeka stopa na depozite stanovništva sa dogovorenim dospeljem za depozite u KM i depozite sa valutnom klauzulom, depozite u EUR i depozite u stranoj valuti, uzeta na dan 31.03. date godine, bude povećana ili smanjena za više od 1 (jedan) procentni poen u odnosu na istu vrijednost na dan 31.03. prethodne godine. Banka zadržava pravo da ne povećava iznos kamatne stope u skladu sa ovom tačkom, a po odluci Uprave Banke. Kao referentna kamatna stopa uzima se prosjek kamatnih stopa na depozite stanovništva sa dogovorenim dospeljem, iskazan na godišnjem nivou. Kamatne stope na depozite stanovništva računaju se od strane Centralne banke Bosne i Hercegovine (CBBH, www.cbbh.ba) i objavljuju prema kalendaru statističkih objava Centralne banke BiH, odnosno od 1-og do 7-og u mjesecu u kojem se objavljuju podaci. U slučaju promjene metodologije izračuna kamatnih stopa na depozite stanovništva od strane Centralne banke BiH, Banka će koristiti istu

metodologiju obračuna na osnovu podataka o kamatnim stopama na depozite stanovništva objavljenih od strane druge relevantne institucije u Bosni i Hercegovini. U slučaju da podatke o kamatnim stopama na depozite stanovništva, na način kako se isti objavljuju u momentu zaključivanja ovog Ugovora, ne objavljuje niti jedna relevantna institucija u BiH, Banka će prilagoditi metodologiju izračuna prema metodologiji Centralne banke BiH. Ukoliko zbog promjene metodologije izračuna kamatnih stopa na depozite stanovništva dođe do povećanja ili smanjenja prosjeka kamatnih stopa na depozite stanovništva sa dogovorenim dospjećem za više od 1 (jedan) procentni poen, Banka neće vršiti izmjenu visine kamatnih stopa na osnovu tako nastale promjene, odnosno sve buduće promjene visine kamatnih stopa vršit će na osnovu promjena koje su nastale bez uticaja promjene metodologije izračuna od strane Centralne banke BiH.

Primjer izračuna prosjeka kamatnih stopa na depozite stanovništva, uzet na dan 31.03.2017:

Redni broj	Vrste depozita stanovništva „sa dogovorenim dospjećem“	Visina kamatne stope
1.	Depoziti u KM i depoziti sa valutnom klauzulom „sa dogovorenim dospjećem“	
1.a.	- Do 1 godine	0,369
1.b.	- Preko 1 do 2 godine	1,779
1.c.	- Preko 2 godine	1,757
2.	Depoziti u EUR „sa dogovorenim dospjećem“	
2.a.	- Do 1 godine	0,462
2.b.	- Preko 1 do 2 godine	1,593
2.c.	- Preko 2 godine	2,103
3.	Depoziti u stranoj valuti „sa dogovorenim dospjećem“	0,289
Prosjeck svih depozita (1.a. + 1.b. + 1.c. + 2.a. + 2.b. + 2.c. + 3) / 7		1,19

1.13. Pregled naknada i provizija koje Banka naplaćuje za studentski tekući račun:

- naknada za otvaranje studentskog tekućeg računa – bez naknade;
- naknada za uplatu u korist studentskog tekućeg računa – bez naknade;
- naknada za isplatu na teret studentskog tekućeg računa – bez naknade;
- naknada za vođenje studentskog tekućeg računa – bez naknade za vrijeme trajanja studentskog računa. Po prestanku statusa studentskog računa iz tačke 1.8. ovog Ugovora, obračunavat će se mjesečna naknada za vođenje tekućeg računa u iznosu 2,50 KM;
- naknada za izradu i slanje mjesečnog izvoda (e-mailom ili poštom) – bez naknade;
- naknada za zatvaranje studentskog tekućeg računa – bez naknade;
- naknada za izradu i slanje izvoda na poseban zahtjev klijenta u iznosu od 2,00 KM;
- naknada za godišnje obnavljanje redovnog prekoračenja po studentskom tekućem računu u iznosu od 5,00 KM;
- naknada za slanje opomene – bez naknade;
- naknada za zabranu raspolaganja sredstvima na računu u iznosu od 2,00 KM;
- naknada za godišnju članarinu za VISA Electron debitnu karticu u iznosu od 10,00 KM za Osnovnog korisnika, odnosno 5,00 KM za svakog dodatnog korisnika kartice, uz odobreno prekoračenje po studentskom tekućem računu;
- naknada za godišnju članarinu za VISA Electron debitnu karticu u iznosu od 0,00 KM za Osnovnog korisnika, odnosno 0,00 KM za svakog dodatnog korisnika kartice, bez odobrenog prekoračenja po studentskom tekućem računu;
- naknada za izvanredno izdavanje debitne kartice ili PIN-a u iznosu od 10,00 KM;
- naknada za transakcije isplate gotovine na bankomatima ili POS uređajima Banke u BiH ili inostranstvu – bez naknade;
- naknada za transakcije isplate gotovine na bankomatima ili POS uređajima drugih banaka u BiH - 2,50% od iznosa transakcije, minimalno 10,00 KM;
- naknada za transakcije isplate gotovine na bankomatima ili POS uređajima drugih banaka u inostranstvu 3,00% od iznosa transakcije, minimalno 10,00 KM;
- prikupljanje podataka o adresi i posjedovanju imovine, protesti, tužbe i druge mjere prema neurednim dužnicima – u visini stvarnih troškova;
- naknada za obavještanje klijenta o neaktivnom računu jednaka je iznosu naknade za vođenje studentskog tekućeg računa;
- naknada za konverziju transakcija nastalih u inostranstvu – 1% od iznosa transakcije.

Sve naknade navedene u ovoj tački su promjenjive i Banka ih može mijenjati na mjesečnom nivou. Ukoliko dođe do izmjene bančinih naknada, Banka će Vlasnika računa obavijestiti pismeno putem svojih distribucijskih kanala (web stranica Banke, poslovnice Banke itd.). Ukoliko, Vlasnik računa ne prihvati izmjene naknada iz ove tačke, u tom slučaju Vlasnik računa je u obavezi da u roku od 15 (petnaest) dana pismeno obavijesti Banku o svom neslaganju, nakon čega će u roku od 90 (devedeset) dana imati obavezu da izvrši ukupan povrat svih eventualnih preostalih dugovanja. Nakon 90 (devedeset) dana Banka ima pravo da otkáže dopušteno prekoračenje po tekućem računu i proglasi dospjelim sva eventualna potraživanja prema Vlasniku računa.

1.14. Instrumenti osiguranja ispunjenja obaveza Ugovoru o (studentskom) tekućem računu su mjenice.

1.15. Na nedopušteno prekoračenje po studentskom tekućem računu, osim u mjeri kojoj je to spriječeno važećim propisima, Banka će obračunavati i naplaćivati zateznu kamatu (kamat u dospelju) u visini od 18,00%, fiksna, na godišnjem nivou. Zatezna kamata se izračunava na osnovu stvarnog broja dana u godini (365/366 godišnje) primjenom proporcionalne metode i dekurzivnog načina obračuna. Nedopuštenim prekoračenjem smatra se ukupno negativno stanje studentskog tekućeg računa kada ono prelazi iznos dopuštenog prekoračenja.

1.16. Otvaranje studentskog tekućeg računa ne zahtjeva obavezu korištenja notarskih usluga kao ni obavezu zaključivanja Ugovora o sporednim uslugama.

1.17. Vlasnik računa ima pravo otkazati uslugu korištenja računa. Gašenje računa se vrši na pismeni zahtjev Vlasnika računa, uz konačan obračun i pripis kamate od dana posljednjeg obračuna do dana gašenja računa. Vlasnik računa je obavezan, prije gašenja računa, izmiriti sve obaveze prema Banci koje su proistekle iz Ugovora o (studentskom) tekućem računu. Zatvaranje (studentskog) tekućeg računa se vrši besplatno, bez obzira da li se otvara novi tekući račun ili ne.

1.18. . Banka može otkazati Ugovor o (studentskom) tekućem računu ako Vlasnik računa:

- ne podmiri dospjele obaveze u skladu sa rokovima dospijeća iz Ugovora;
- prezentira Banci neistinitu i neispravnu dokumentaciju;
- ne obavijesti Banku pismenim putem o promjeni svoje adrese stanovanja, a neuredno izvršava svoje obaveze prema Banci u skladu sa ovim Ugovorom;
- ne pridržava se bilo koje odredbe Ugovora;
- ne pridržava se odredbi Opštih uslova poslovanja po kreditima stanovništvu i Opštih uslova poslovanja po tekućim, žiro i deviznim računima.

1.19. Banka otkazuje Ugovor pismenim putem uz otkazni rok od 60 (šezdeset) dana računajući od dana dostavljanja obavijesti o otkazu Vlasniku računa. Vlasnik računa pristaje da se danom kada mu je dostavljena obavijest o otkazu smatra dan kada je Banka putem pošte uputila obavijest o otkazu na adresu iz Ugovora ili adresu koju je Vlasnik računa naknadno pismeno dostavio Banci, bez obzira da li se isti nalazi na predmetnoj adresi.

1.20. Banka će smatrati neaktivnim račun na kojem nije bilo aktivnosti deponovanja ili povlačenja sredstava sa računa, urađenih ili zadanih od strane vlasnika, zakonskog zastupnika i drugog ovlaštenog lica u periodu 12 mjeseci od dana zadnje aktivnosti. U tom slučaju Banka će najkasnije u roku od 15 dana prije dana proglašenja računa neaktivnim, obavijestiti Vlasnika računa, isključivo putem e-maila, da će se račun proglasiti neaktivnim, odnosno ugasiti, posljedicama koje nastaju i stanju na računu. Ukoliko Vlasnik računa ne aktivira račun u roku od 15 dana od dana dobivanja obavijesti, Banka će odmah ugasiti račun ako na njemu nema sredstava, a ako na računu ima sredstava, račun se proglašava neaktivnim i ostaje u tom statusu sve dok ima sredstava na istom. Neaktivni račun se aktivira radnjama Vlasnika računa ili po njegovom nalogu, koje imaju za posljedicu deponovanje ili povlačenje sredstava s računa. Zatvaranjem neaktivnog računa prestaju i sve usluge vezane za neaktivni račun ukoliko iste postoje.

1.21. Vlasnik računa ima pravo da odustane od zaključenog Ugovora, bez navođenja razloga na odustanak, u roku od 14 (četnaest) dana od dana zaključenja ovog Ugovora, odnosno u kraćem roku ugovorenom za stavljanje sredstava na raspolaganje na njegov izričit zahtjev, pod uslovom da nije počeo da koristi sredstva, ukoliko je Ugovor o prekoračenju zaključio na teritoriji Republike Srpske.

Ukoliko je Vlasnik računa, Ugovor o prekoračenju zaključio na teritoriji Federacije BiH i Brčko distrikta BiH, Vlasnik računa ima pravo da odustane od zaključenog Ugovora, bez navođenja razloga na odustanak, u roku od 14 (četnaest) dana od dana zaključenja ovog Ugovora, odnosno u kraćem roku ugovorenom za stavljanje sredstava na raspolaganje na njegov izričit zahtjev. Ukoliko Vlasnik računa odustane od zaključenog Ugovora dužan je odmah ili u roku od 30 (trideset) dana od dana dostavljanja obavijesti o odustanku od prekoračenja po tekućem računu, vrati Banci glavnice i kamatu za sredstva koja je iskoristio u periodu korištenja odobrenog prekoračenja. Vlasnik računa je dužan o svojoj namjeri odustanka od Ugovora obavijestiti Banku u pismenoj formi, pri čemu se datum prijema te obavijesti smatra datumom odustanka od Ugovora. U slučaju odustanka Vlasnika računa od zaključenog Ugovora, Banka ne naplaćuje naknadu za odustanak od Ugovora.

1.22. Vlasnik računa ima pravo na prijevremenu otplatu duga po dopuštenom prekoračenju po tekućem računu. Banka ne naplaćuje naknadu za prijevremenu otplatu duga po dopuštenom prekoračenju

1.23. Banka osigurava štedne uloge kod Agencija za osiguranje depozita Bosne i Hercegovine u iznosu do 50.000 KM, a u skladu sa trenutno važećim propisima Agencije za osiguranje depozita BiH. U slučaju promjene navedenog iznosa od strane Agencije za osiguranje depozita BiH, Banka će automatski početi sa primjenom istog.

1.24. Vlasnik računa/opunomoćenik ima pravo na prigovor ako smatra da se Banka ne pridržava preuzetih obaveza iz Ugovora. Vlasnik računa/opunomoćenik prigovor dostavlja Banci koja je dužna da u roku od najkasnije 30 (trideset) dana od dana podnošenja prigovora dostavi odgovor podnosiocu prigovora. U slučaju da Banka ne dostavi odgovor na prigovor u roku navedenom u prethodnom stavu ove tačke, odnosno ukoliko podnosilac prigovora nije zadovoljan odgovorom na prigovor, podnosilac prigovora ima pravo pismeno obavijestiti i uložiti prigovor Ombudsmanu za bankovni sustav, pri Agenciji za bankarstvo Federacije BiH, sa sjedištem u Sarajevu, ulica Zmaja od Bosne 47b, ukoliko je poslovni odnos sa Bankom zasnovao u organizacionom dijelu Banke koji posluje na teritoriji Federacije BiH, odnosno uložiti prigovor Ombudsmanu za bankovni sustav, pri Agenciji za bankarstvo Republike Srpske, sa sjedištem u Banja Luci, ulica Vase Pelagića 11a, ukoliko je poslovni odnos sa Bankom zasnovao u organizacionom dijelu Banke koji posluje na teritoriji Republike Srpske. U skladu sa Zakonom o zaštiti potrošača BiH, ukoliko podnosilac prigovora nije zadovoljan odgovorom Banke na prigovor, bez obzira na mjesto zaključenja Ugovora o kreditu, može uložiti prigovor Ombudsmanu za zaštitu potrošača sa sjedištem u Mostaru, ulica Kneza Domagoja bb.

1.25. Vlasnik računa ima pravo da dobije besplatnu kopiju nacrtu Ugovora o (studentskom) tekućem računu, radi razmatranja istog izvan prostorija Banke, a u slučaju preuzimanja besplatne kopije nacrtu ugovora dužan je da u roku od 3 (tri) dana obavijesti Banku o svojoj namjeri zaključenja Ugovora.

Banka neće izdati besplatnu kopiju nacrtu ugovora ako u vrijeme podnošenja zahtjeva za otvaranje računa ocijeni da ne želi zasnovati odnos sa Vlasnikom računa u konkretnom pravnom poslu.

Banku obavezuju podaci iz Informativnog lista do _____

Mjesto: _____

Datum sastavljanja Informativnog lista: _____

(potpis ovlaštenog lica i pečat Banke)

(potpis Vlasnika računa)